

世尊菩提之印如是印句所有八萬四千法  
蘊於中出生如是印句普攝諸佛及諸菩薩  
最上智印速疾證得無生法忍海意如是等  
印句所有不種善根諸衆生等而不得聞又  
此法門善能降伏一切魔業海意所有無盡  
摠持寶篋而能藏攝彼一切法是法皆從印

十九

句中出又復八萬四千三摩地門及徧入八  
萬四千衆生心行及千波羅蜜門悉從如是  
印句中出而此印句亦復隨入彼彼法門

海意菩薩所問淨印法門經卷第十二 阜六

海意菩薩所問淨印法門經卷第十二 十四

阜七

史登載朝敬天菩薩摩訶光梵壽賜紫惟淨共法護奉

詔譯

復次海意云何是金剛句謂即自身是金剛  
句自性無分別故海意此金剛句於諸見中  
決擇而轉無明是金剛句入諸明故此金剛  
可於所緣事中徧知而轉五無間際是金剛

阜七

句無加行平等故此金剛句於諸加行徧知  
而轉貪際是金剛句離貪際平等故此金剛  
句於貪離貪平等而轉瞋際是金剛句慈際  
平等故此金剛句破諸瞋恚癡際是金剛句  
慧光明平等故此金剛句開顯明慧一切衆  
生一衆生是金剛句徧入衆生平等故此金

剛句而隨覺了衆生自性一切衆生心一衆  
生心是金剛句入無心故此金剛句而隨了  
知心之自性本來明徹一切佛一佛是金剛  
句徧入真如平等故此金剛句而隨覺了平  
等性智一切刹土一刹土是金剛句徧入無  
盡刹土故此金剛句隨知虛空平等一切法

一法是金剛句入一切法性平等故此金剛  
句而隨了知無二法門一切法佛法是金剛  
句於一切處智隨入解故此金剛句而隨覺  
了金剛喻定諸魔事業諸佛事業是金剛句  
入諸魔業隨警悟故此金剛句出過一切魔  
之事業一切語言如來語言是金剛句徧入

一切音聲隨解了故此金剛句而隨了知不可說法一切法無生是金剛句入無滅故此金剛句超越生老病死之道一切法無起是金剛句入無止息故此金剛句而能隨轉諸法寂滅海意此如是等諸金剛句是不破壞句是精妙句是平等句是聖諦句是堅固句

是無種種句是愛樂句是不斷句是寂靜徧寂近寂之句是無作用句是不和合句是入無趣之趣句是無行句是真性句是如實句是不背佛句是不謗法句是不破僧句是如所說句是三輪清淨句是勇猛句是梵行句是空寂句是虛空句是覺支句是無相句是

無願句是法相句是心意識無住句是摧伏諸魔外道句是清淨無垢明徹句是觀照菩提句是慧光明句是無法顯示句是畢竟不生不滅句是自境界清淨句是入佛境界句是無思惟分別徧計句是法界無差別句是入無句之句句海意如是等金剛勝妙諸句

車七

二

若有菩薩隨能領受決擇其義者我說是人決定當坐菩提道場作師子吼當佛世尊說是門句印句金剛句時此會中有八千菩薩獲得入一切法門印陀羅尼及得徧入一切眾生意樂三摩地爾時十方世界所來集會一切菩薩摩訶薩眾聞是法已踊躍歡喜心意快然各以神力

隨自所來諸佛刹土彼彼刹中各各所有華鬘塗香及抹香等而悉集來於此會中廣兩眾妙華鬘香等普用持奉供養世尊釋迦牟尼如來及此正法願此正法久住世間是諸菩薩作供養已同發妙音讚歎世尊說伽陀曰

無相顯示於色相	一相離相大聖尊
諸相平等相無相	稽首安住真實相
徧入一切眾生活語	所入音聲智隨入
一切音聲解脫門	稽首平等心解脫
世間差別諸心行	心如幻故無所覺
無行等行無所行	我禮虛空心明顯

有無平等邊無邊  
 一切心意本寂然  
 佛知因緣諸運用  
 因緣解脫本際中  
 今此徧入平等相  
 不可分別有相身

阜七

三

所有十方佛刹土  
 而此佛刹無所增  
 諸心平等心無心  
 了知平等善提心  
 法界混入平等界  
 性常平等染淨中

日月尚可使墜地  
 須彌山可吹如塵  
 真實語言本清淨  
 世法貪愛不染心  
 或聞稱讚不生喜  
 如須彌山不動搖

法法分別離分別  
 我今頂禮心寂靜  
 佛能宣說諸因行  
 佛知實際真平等  
 我觀善逝身非身  
 故現差別諸妙相

皆同入此佛刹中  
 彼刹無動亦無滅  
 幻心無異無分明  
 世尊常行平等法  
 諸法無性而可入  
 我禮世間利益者

風無形相亦可繫  
 唯佛世尊無妄說  
 淨心如空心明煥  
 如蓮不染居三有  
 或聞譏謗不生瞋  
 我禮世間與樂者

爾時彼諸菩薩摩訶薩眾說是伽陀讚歎佛  
 已俱白佛言世尊由佛世尊出世間故即是  
 實出佛出世故即是樂出即念慧行智出即  
 布施持戒忍辱精進禪定勝慧出即慈悲喜  
 捨出即勝義出即實諦出即正法出即作證  
 法出即念處正勤神足根力覺道之法出即  
 奢摩佗出即毗鉢舍那出即六通三明八解  
 脫出以要言之即斷一切不善法集一切善  
 法出

爾時會中有一菩薩名曰慧積前白佛言出  
 尊如我解佛所說義者以有身見生故佛出  
 世以無明有愛生故佛出世貪瞋癡生故佛  
 出世四顛倒生五蓋六入七識處八邪法九  
 惱處十不善業生故佛出世何以故為斷一  
 切眾生諸不善業故佛出世然佛世尊亦無  
 對治及增勝力以無所對治故佛出世世尊  
 若諸菩薩欲知諸佛出世因者應如是知如  
 是修學佛言善男子如是如是如汝所說如

佛出世應如是知如是修學以佛出世如是因故諸法出世亦如是知

爾時海意菩薩摩訶薩白佛言世尊彼初發心菩薩聞如是說佛出世因彼不解了故謂佛出世者云何如是

佛言海意佛出世因而諸菩薩隨其所應心

卓七

四

得清淨所以者何海意當知菩薩有四種何等為四一者初發心菩薩二者修行位菩薩三者不退轉菩薩四者一生補處菩薩海意於此四種菩薩之中若初發心菩薩觀佛如來色相莊嚴心得清淨若修行位菩薩觀佛如來成辦一切勝妙功德心得清淨若不退

轉菩薩觀佛法身心得清淨若一生補處菩薩者彼不觀佛色相莊嚴亦不觀佛種姓族氏亦不觀佛成辦功德是中而悉無法可觀何以故慧觀照故慧眼力故慧所攝故慧無行故離諸戲論彼不如是觀亦非無觀何以故有見無見斯為二種此位菩薩於見非見

離彼二邊如是觀佛以如是觀佛故觀身亦然觀身清淨已即觀佛清淨觀佛清淨已應知一切法亦如是清淨如是觀中若清淨者是為智觀此即名為真實觀佛海意由如是故我昔得見然燈如來我時見已獲得無生法忍及無所得相應忍即時踊身虛空高七

多羅樹處虛空中得一切智智無差別力永斷諸見越諸思惟分別編計於諸境界意無所住爾時復得六萬三摩地門是故然燈如來為我授記汝於來世當得作佛號釋迦牟尼如來應供正等正覺我當彼佛說記之時我於耳根無所對礙亦非餘識有所了知我

於和合有所得見中而無所住我於爾時無佛及佛想無我及我想亦無授記及授記想海意是故菩薩三輪清淨授成佛記三輪清淨者謂無佛及佛想無我及我想亦無授記及授記想海意復有三輪清淨何等為三謂無我執無眾生執無法執復有三輪清淨謂

卓七

五

無名執無色相執無所緣執復有三輪清淨  
謂過去已盡智未來未至智現在住法界智  
復有三輪清淨謂身如影像智語如響智心  
如幻智復有三輪清淨謂五蘊與法蘊平等  
十八界與法界平等十二處觀如空聚復有  
三輪清淨謂解了於空信順無相無願無求

海意若此三輪清淨即一切法清淨是故諸  
菩薩若三輪清淨者應修善巧之智

爾時海意菩薩復白佛言希有世尊彼不退  
轉菩薩而能具足甚深法智世尊若諸菩薩  
能具如是法智之者彼即善能成熟功德佛  
告海意菩薩言海意當知此位菩薩以本願

功故善作勝業而彼菩薩設在散位之中以  
本願力而亦不壞成熟功德海意世有一等  
無智之人不能解我所說今以喻言當今聞  
者由譬喻得解海意譬如世間有甘蔗田或  
復稻田或復豆田農作之人於彼諸田作始  
事已開其水道隨彼默澮流注周徧水悉盈

滿是農作人善安布已憩於他所彼諸田中  
隨處所經水自然入不假田人更施功力所  
植諸田各得成熟菩薩亦復如是或時雖居  
散位有善方便於一切衆生相續善根之中  
而能成熟隨其所說一切佛法中諸有善根  
悉能圓滿而彼菩薩心意清淨善護戒蘊或

阜七

八

在定位之中以本願力故而能成熟一切善  
根令諸衆生於佛法中相續滋長一切善法  
海意以是緣故當知諸菩薩隨其所應不假  
施力而自圓滿一切善根復善迴向於一切  
智是故諸菩薩若定若散以本願力於諸善  
根中身心調暢念不散亂不墮下乘趣向大

乘海意譬如城中有一大樹或有人來斷彼  
樹根斷已即去當斷樹時樹漸低下畢竟須  
隨斫處墮地菩薩亦復如是於長夜中修習  
善法趣向一切智漸入一切智畢竟成熟一  
切善根既成熟已悉用迴向於一切智迴向  
一切衆生共其功德迴向願令三寶聖種不

斷不絕迴向圓滿身相莊嚴具諸相好迴向  
圓滿語業莊嚴廣為衆生說無誑法迴向圓  
滿心業莊嚴常念諸佛定願成就而是菩薩  
不假功用無所發悟悉能成熟一切善根普  
用迴向於一切智不墮餘乘若定若散於菩  
提分法修習圓滿皆由本願方便善巧迴向

之力海意又如苾芻欲入滅定先當要期間  
捷推聲然後出定彼入定已而捷推聲亦不  
入於定中而是苾芻後假捷推之聲乃從定  
起菩薩亦復如是為欲解脫一切衆生起大  
悲誓願我當救度一切衆生普令解脫悉當  
成辦菩提事業於諸衆生廣行慈心於生死  
流中運心意識普為濟度雖入定中以本度  
脫衆生大悲願故終不墮於聲聞緣覺之地  
後從定起開發正慧還復積集菩提分法廣  
為衆生成熟化度海意汝且觀是諸菩薩者  
所作事業而悉最勝雖入寂靜三摩地中而  
能出過聲聞緣覺解脫境界

復次海意我今復以喻明斯義譬如世間或  
有二人一被金剛堅固甲冑入於大火熾燄  
聚中一被枯草而為甲冑入於大火熾燄聚  
中海意於汝意云何彼二人中何人為火所  
焚何人不為火焚海意白佛言世尊若被金  
剛甲冑之者雖入大火熾燄聚中以是堅固

卓七

力

甲冑能善作護是人不為火焚世尊若被枯  
草為甲冑者入大火中是人決定為其所焚  
何以故為彼枯草於熾燄中力無能護佛言  
海意彼身所被金剛甲冑入大火中不為焚  
者即是菩薩常以大慈大悲而為甲冑內心  
堅固金剛力護解脫衆生所緣誓願曾不棄  
捨雖常觀察一切法空無相無願無作無生  
無起入於空寂三摩地中而常超越聲聞緣  
覺正位不求得果於彼定中雖受勝味而不  
嗜著還從定起從定起已嚴淨佛土成熟衆  
生圓滿佛智海意彼以枯草而為甲冑入大  
火中為所焚者即是聲聞乘人於諸行中而

生怖畏復觀三有熾然不息棄捨衆生遠離  
大悲於寂靜三摩地中生執著已無所容受  
若復不得第八果證能起是定者無有是處  
何以故聲聞乘人於其福行罪行不動行中  
不能修習諸菩薩者能於無量福智行中修  
習成熟不於中間取證實際畢竟圓滿一切

佛法海意是故菩薩於空無相無願無作法  
中常生大火熾盛之想雖於此法審伺察已  
而復於是法中起智善行終不取證實際是  
故諸菩薩不成熟善根不應修習海意菩薩  
成熟善根者謂於甚深佛法之中如理修行  
不於中間取證實際此即名爲成熟善根何

故如是以彼菩薩但爲成熟大乘之法漸向  
漸入漸復增勝非餘乘法而成熟大海意如  
陶家輪日光未照未成熟時但是坏模無有  
諸器用之名後成熟已乃可得彼器用之名  
菩薩亦復如是雖復廣多修諸善根若不迴  
向於一切智即不能得波羅蜜多之名若復

車七

八

迴向一切智者乃得波羅蜜多之多海意又  
如妙好真金未經工作即不能得莊嚴具名  
但名真金若經工作得成熟已乃可得諸莊  
嚴具名菩薩亦復如是所修善根若不迴向  
於一切智即不能得波羅蜜多之名若復迴  
向一切智者乃得波羅蜜多之名海意以是

緣故而諸菩薩常當運發廣大之心成熟諸  
善隨所成熟諸善根已即當迴向於一切智  
以其迴向一切智故菩薩當於甚深法中如  
理修行不於中間取證實際

爾時海意菩薩復白佛言世尊諸菩薩者難  
作能作善能防護諸有過失於所作中不生

過染世尊若諸菩薩具於善巧方便之者即  
能迴向所以者何菩薩有方便故雖入禪定  
解脫三摩地三摩鉢底中而不爲禪定解脫  
三摩地三摩鉢底過失所著彼具善巧方便  
而能現諸所作不墮無作見中善住諸法平  
等之性若有趣向邪定聚中諸衆生類菩薩

爲說正定聚法而彼菩薩爲令圓滿衆生願  
故自亦不住正定聚中

佛告海意菩薩言如是如是如汝所說菩薩  
於一切處常應修習善巧方便何以故海意  
善巧方便者即是菩薩菩提若無善巧方便  
即不成菩提譬如世間於一器中置三種色

阜七

九

一者青色二者赤色三者黃金色是三種色  
同一器中涂三種衣一者毳衣涂其青色二  
者毳衣涂其赤色三者無價上妙天衣涂黃  
金色彼三種衣於一器中從彼涂師所治事  
已隨諸意樂皆得妙色須青得青須赤得赤  
須黃得黃然其涂器曾無分別海意其涂器

者即是空無相無願有三種人合一器中者  
一聲聞乘人二緣覺乘人三大乘人是三種  
人隨諸作用如心所樂各隨所應皆取智色  
而彼空無相無願之器曾無分別彼毳衣者  
當知即是聲聞乘人毳衣即是緣覺乘人無  
價天衣即是安住大乘之人海意汝觀諸法

無有實性無作者性無我性無人性無衆生  
性無壽者性無主宰性隨欲所生生已聚集  
無所覺了亦無分別海意若能解了此諸意  
生即諸菩薩於諸法中無有少法而生懈怠  
若得如是知見清淨諸所作中亦無饒益無  
不饒益即能如實了知諸法平等之性如是

如實了知諸法平等性已常不棄捨大悲之  
鎔海意譬如世間琉璃珠寶自體瑩潔淨無  
瑕翳置塵穢中經於千歲過千歲已取之治  
事去其塵穢滌浣清淨依然瑩潔離諸瑕翳  
菩薩亦復如是了知衆生心之自性本來清  
淨明澈潔白但爲客塵煩惱之所覆蔽菩薩  
觀已即作是念衆生心性本來清淨但爲客  
塵煩惱之所覆蔽而彼煩惱實無所住衆生  
橫起虛妄分別我當爲彼諸衆生類宣說斷  
除煩惱之法起無懈心於衆生所轉復增勝  
運心普令皆得解脫又復思惟此諸煩惱能  
壞衆生諸有力勢使令劣弱此諸煩惱能令

眾生於無實煩惱中虛妄分別若能如實深  
固作意如理伺察者彼即不為煩惱所動如  
所伺察已即彼煩惱不復和合若與煩惱不  
和合者斯即為善又後我今若與諸煩惱合  
云何能為煩惱繫縛諸眾生等宜說斷除煩  
惱之法故我今時不與諸煩惱合應為煩惱

卓七

+

繫縛眾生說斷除法然我欲為化度眾生於  
輪迴中令諸善根相續不斷亦復應當與煩  
惱合云何名為於輪迴中與煩惱合相續善  
根所謂勤求福行而無厭足菩薩作是思惟  
已於三有中故現受生願值諸佛誓度眾生  
而無懈倦護持正法諸所施作勇進無退常

生法欲永不棄捨波羅蜜多勝行海意此即  
名為於輪迴中與煩惱合相續善根菩薩當  
於是中雖合煩惱不為煩惱過失所染海意  
白佛言世尊今說善根何緣故說諸煩惱耶  
佛言海意菩薩了知此如是等諸煩惱法與  
三界合從煩惱中出生三界而彼菩薩具善

巧方便故積集善根緣力與三界合此即名  
為諸有善根與煩惱合以其三界合故即不  
復心生諸隨煩惱海意譬如世間有大長者  
唯有一子慈育憐愍深加愛念時彼童子愚  
小無智於穢井邊而為戲舞以幼稚故忽墮  
井中爾時其母及彼親族俱見其子墮穢井

中見已憂愁競前觀井深不可測徒極悲苦  
無能為計入其井中雖痛愛子不能救拔是  
時其父知已奔至見彼童子墮穢井中臨視  
哀惱蒼惶旋轉深愛此子不生厭捨即設方  
計入其井中善為救拔今子得出海意當知  
彼穢井者即是三界其子即是一切眾生善

卓七

十一

薩觀於一切眾生如一子想童子之母及親  
族者即是聲聞緣覺乘人見諸眾生墮輪迴  
中見已雖復心懷憂惱無有方便而為救拔  
彼大長者即是菩薩而諸菩薩雖以無垢潔  
白清淨之心住無為法然復和合三界所修  
之行化度眾生海意此即菩薩大悲之行善

陸畢竟自能解脫諸纏縛已而復於其三有之中示現受生具善巧方便勝慧所攝已之煩惱無復有礙能為一切衆生宣說斷除煩惱纏縛之法海意菩薩白佛言世尊諸菩薩者難作能作能以無垢潔白清淨之心於輪迴中不生厭棄如其所說甚深之法如理伺察不住無為不求果證佛言海意此菩薩者所修正道與禪支合所謂般若波羅蜜多及善巧方便海意當知若諸菩薩無垢潔白清淨心者此即般若波羅蜜多於輪迴中不生厭棄示現受生化度衆生此即善巧方便後次海意若諸菩薩於空無相無願無作無生無起一切法相如理伺察者此即般若波羅蜜多若復發起大悲現前之心不住無為不求果證此即善巧方便復次海意若諸菩薩善住三世平等法故即無有少法見種種相若彼法界平等即衆生界平等若衆上界平等即涅槃界平等若涅槃

界平等即法界平等若能入此法界平等性中所入即是般若波羅蜜多若復能入一法界了知衆生界不證涅槃界是故不捨衆生界不住於法界不取於果證此即善巧方便復次海意若布施清淨此即是慧若迴向清淨即是方便若持戒忍辱精進禪定清淨

此即是慧若迴向清淨即是方便以要言之一切善根清淨此即是慧迴向清淨即是方便海意白佛言世尊何者是菩薩善根清淨何者是迴向清淨何者是慧清淨何者是方便清淨佛言海意菩薩善根清淨者為離我人衆生壽者之見然後積集諸有善根迴向

卓七

十二

清淨者謂於空無相無願法中成熟善根迴向善提慧清淨者謂於一切衆生初後根性智悉了知方便清淨者善為一切衆生如應說法復次海意又善根清淨者雖於諸有諸趣示現受生而無依止然後積集諸有善根迴向清淨者謂離一切聲聞緣覺作意善攝

諸乘所有善根悉用迴向大乘法中慧清淨者普為斷除一切煩惱種子習氣方便清淨者謂欲化度諸衆生故先同其事後為教示大乘之法

復次海意又善根清淨者所謂善薩舒其實手普施無盡一切受用迴向清淨者謂以一切衆生一切學無學人一切緣覺一切善薩及一切佛諸有善根普用收攝入迴向中慧清淨者所謂任持諸佛所說悉以陀羅尼印印之其所任持而無壞失方便清淨者謂以無斷辯才無礙辯才為諸衆生善說無誑之法令諸衆生悉得歡喜

復次海意又善根清淨者謂於生生之中常不捨離大善提心迴向清淨者謂不忘失大善提心以諸善根悉用迴向於一切智慧清淨者謂善知安住大善提心而為根本方便清淨者謂於善提心住平等故為作教示善提之法

復次海意又善根清淨者謂於生生之中常不捨離大善提心迴向清淨者謂不忘失大善提心以諸善根悉用迴向於一切智慧清淨者謂善知安住大善提心而為根本方便清淨者謂於善提心住平等故為作教示善提之法

車七

上末

爾時海意善薩復白佛言世尊如我解佛所說義者諸善巧方便是善薩善提般若波羅蜜多清淨一切處通達皆是善提無有少法非善提者何以故世尊若了了一切法平等性即是善提是故諸善薩勿於善提生極遠想善薩於諸法中若六塵境來為障礙爾時應

當如實覺了即是善提若諸善薩如是解者即得善巧方便清淨及般若波羅蜜多清淨爾時世尊讚海意善薩言善哉善哉如汝所說善薩具善巧方便及般若波羅蜜多清淨者於諸法中若六塵境來為障礙爾時應當如實覺了即是善提海意以是緣故諸善薩

者應如是知

海意善薩所問淨印法門經卷第十四 車七

墜地上直煥音稻道 畎澮上如深尺廣尺小流  
下古外反 澮注深二切也 憩息去例反 胃直又反  
又云廣二尋深二切也 憩息去例反 胃直又反  
嗜音坏模 下莫胡反 魏衣上楚也 滌光不也  
胡官反 澈丑列反 捷寒巨推 地音